


थाँकी मूसीपत  
न कुणी  
हळझाई?



मनक खुद का जीवण म नरी मूसीपतँ न देखे हे पण ऐ हारी मूसीपतँ मँ एक हगळी ऊँ बडी है। आपँ यान वी के सका हाँ कि आ सगळी मूसीपतँ की जड़ हे। वाकी हगळी मूसीपतँ ई ज्यान लै ठेबाळी मूसीपत या बेमारी की बज्य ऊँ हे। हगळा मनक पाप का हबाऊँ जल्म्योङ्गा हे। “चूँकि हगळा मनक पाप कर्योङ्गा है और परमेसर की जोत व्यामँ है कोनआ” (रोमियों ३:२३)। मनक की पेली हँस की लेर ई पाप परगट हे जावे हे। एक एक मनक माइनअ ती घाघ हे। टावरपणाऊँ छेरर भूडापाती मनक पाप का जीवण में बडतो ई चलो जावे हे। पाप का नरा रूप हे ऐर आ बात आपणा बचार मँ, आपना होचबामँ, भेम, अञ्चा में, हमरा बन्दाबामँ, देकबामँ जो चीजँ आवे हे व्यामँ, हब्द में ऐर कामँ के मायने देकबामँ आवे हे। “पचँ बो कियो, “जो मनक ऊँ नी हे बोई मनकँ न गन्दो करे हे चूँकि माइन ऊँ मतबल मनक का मन ऊँ गन्दा बचार, कोई न गन्दो करबो, चोरी, हच्छया, कोई छोरी की लेर गलत हम्बन्द, लोब, कोई की लेर बरो करबो, छळ, लुच्चाई, बरी नज़रँ ऊँ देकबो, बराई करबो, ऐकांर करबो और गेलोपणो हे। ए हगळी बातँ माइन ऊँ नीरे हे और मनक न गन्दो करे हे।” (मरकुस ७:२०-२३)

एक एक पाप आपणँ न भरस्ट हेबा की ओर छेरर जावे हे। पाप कैंसर की कोई कोसिका ऊँ भी घणो तागत ऊँ वी बडतो जावे हे। मनक पाप का गुलाम बण जावे हे, वे इको हामनो तो करे कोनअ पण इकी बात मानबा लाग जावे हे। परबु ईसु कियो हो, “थे सत न जाणो जद सत थानअ छुडा छेई।” (यूहन्ना ८:३२) वी टेम मनक मर जावे हे ऐर खुद का न्याव केती और कदेई खतम नेबाला बनास दिनअ चलो जे हे। याद राको के बई परमेसर कियो हे, “पाप की दानगी मोत हे।” (रोमियों ६:२३)। वे मनक जो पाप मँ मरे हे वे बना रुच्ये आगँ केती लाई की कदेई खतम न हेबाळी तलाई मँ जा ई। आ दूजी मोत हे।

मनक बीका पाप की जदिली मूसीपत को गेलो नकाळबा के ती न्यारा न्यारा तरीकऊँ आगँ आयो हे। बो धरम, घाटी तर ऊँ जीबाऊँ, पचताबाऊँ, छोखा काम, धरम का काम, ज्यान लगाबाऊँ, खुद के बारँ मँ जाणबा का

तरीका ऊँ या फेर देवत न न मानबाका तरीका ऊँ खुद का घणा पाप ऊँ बचबा की कोसिस करे पर अशान कर न पावे हे। पाप न मनक अशान ई न तो सपा कर सके हे ऐर न ई हटा सके हे। “आप॑ हगळा असुद मनक ज्यानका हाँ ऐर आपणा धरम का काम गन्दा चीतर॑ के ज्यान हे। आप॑ हगळा पत्त॑ के ज्यान कुमळा जावा हाँ ऐर आपण॑ बरा काम आपण॑ न हुवा के ज्यान उडा दिया हे।” (यशायाह ६४:६) ई संसार की नरी ज्यान की बात॑ ऐर धरम की बात॑ लोग॑ न ई वसबास के दिनअ क्लेरर जार्ये हे के पचताबाऊँ ऐर बारनअ ऊँ सुद जीवण जीवा ऊँ फाईदो हे सके हे। के बई इऊँ व्यानअ मापी मले, मोक्ष मले ऐर बे होरग जा सके। आ तो छोटी बात हे पण अशान कोन हे।

“चूँकि मूँ जाण॑ हूँ के मारे मैँ मतबल मारा जीव मैँ कोई छोकी बात रेवे हे कोनअ। मारे माईन अच्छ्या तो हे पण मूँ कोई छोका काम कर न पाऊँ हूँ।” (रोमियों ७:१८) एक एक मनक पाप ऊँ गन्दा हियोडा हे ऐर जिऊँ ई बे जो बी करे हे बिऊँ बे पवित्र परमेसर के हामने छोका या लायक मनक के ज्यान देकबा मैँ कोनअ आवे हे। आपण॑ पाप॑ ऊँ आपण॑ मन, काळजा, जीव ऐर हरीर भरस्ट हे ज्या हे। आपण॑ मन सान्ति के ती, काळजा परेम के ती, जीव सई तर ऊँ काम करबा के ती ऐक गेला के ती ऐर आप॑ सञ्चा सन्तोस के ती तरसा हाँ जो ई संसार मैँ कटई ओर न मल सके हे। पाप की बज्यऊँ मनक माईनऊँ हड ज्यो हे। इ धरती पर॑ तो आप॑ नरक में जीवा हाँ ऐर हदा के ती लाई की तळाई के दिन परा जावाँ हाँ।

परमेसर तो एकदम सिद हे जो आपणी होच ऊँ बी बडर सुद ऐर पवित्र हे। जद मनक पाप मैँ पड ज्यो ऐर परमेसर ऊँ अलग हेज्यो जद॑ ई पाप की बज्यऊँ मोत ऐर नास आयो। जतरे कोई पवित्र जणो लोई न भावे जतरे पाप ऊँ छुटकारो कोनअ हे सके हे। परमेसर काई कर्यो के आपणी ठोर पर॑ बीका बेटा नैं बळी कर दियो। परमेसर मनक न पाप ऐर नरक ऊँ छुडावा की खातर खुद मनक बण ज्यो। एक कुँवारी कन्याऊँ ईसू बना पाप के

जलम्यो, बो बना पाप कर्ये जीवण जीयो ऐर आपणाँ पापै न बो करूस पर ले लियो। ईसू आपणाँ पापै न, सरम, तकलीफ ऐर मोत की हजा न करूस पर खुद परँ ले लियो ऐर आपणाँ पापै का छुटकारा के ती बो बीका मूँगा लोई न भा दियो। बो मर्यो, विन गाड्यो ऐर तीजे दन बो जीतोडो पाचो जी ज्यो। बीका अशान का छुटकारा का बडा काम की बज्यऊँ अबैं अगर कोई बी विम बसवास करे ऐर अमानदारी ऊँ खुद का पापै ऊँ पछतावो करे हे तो व्यान मापी मलई। अशान का मनकै न लाई की तलाई ऊँ बी बचायो जाई ऐर अबार वेकार का जीवण ऊँ बी बचायो जाई। ईसू ई आपणा मोक्ष की आस ऐर कदेई खतम न हेवाळो गेलो हे। “कोई दूजा मनक ऊँ मोक्ष कोन मले; चूँकि हुअर्ग के नचै मनक मैं कोई दूजो नाम दियोडो कोन हे जीऊँ आपै न मोक्ष मल जाई।” (प्रेरितों के काम ४:१२) “पण परमेसर को दान आपणा परबु मसी ईसू मैं कदेई खतम न हेवाळो जीवण हे।” (रोमियों ६:२३) अबैं थानअ ठाणो हे के थाँकी मूसीपत मैं थानअ गेलो कुणी द्ये सके हे। जद पचै अबैं काई बात की बाँट नाल र्या हो? खुद का पूरा काळजा ऊँ पछतावो, खुद का पाप ऊँ पछतावो और बीन छोड ज्यो। परबु ईसू मसी परँ बसवास करो ऐर बच जो। “चूँकि बसवास ऊँ जो किरपा मल्ले हे बिऊँ थाँन मोक्ष मळयो हे; ऐर ओ थाँके दिन ऊँ कोन हे पण परमेसर को दान हे।” (इफिसियों २:८)। परबु ईसू मसी न खुद को जीवन चडावो ऐर घणी आसीसँ ऊँ जीवो।

#### For Prayer and Counselling

**Victory Worship Centre**

Tadband X Roads

Secunderabad

Email: [vwc@victorybibleministries.org](mailto:vwc@victorybibleministries.org)

